

CHRIST QBQK OWO 5,000, ONYUÑ ASAÑA

KE ENYON INYAN

Matthew 14:13-36

QYQHQ UKPEP-NKPQ 93

Eke Ikpọ Owo

IKQ IBUOT: “Eshọre idem ndien ke idak ọkpọsọn ubọk Abasi, man Enye ekpemenere mbufo onim ke enyọn ke edikem ini. Etop kpukpru ọkpọsọn ekikere eke otimerede mbufo esit eduok edori Enye, koro Enye ke ekere mbufo” (1 Peter 5:6, 7).

I Ebok Owo 5,000

1. Jesus okot mme Mbet ediduok odudu ke akpa-utatan, ke mmọ ema ekenyọn isan ukworo-iko, Matthew 14:13; Mark 6:30-32; Luke 9:10
2. Otu owo etiene enyuan ebionduok-odudu mmọ, Matthew 14:13; Mark 6:33
3. Jesus ke mbom okok udono mmọ onyuan etin onọ mmọ abana Obio Ubon Abasi, Matthew 14:14; Mark 6:34; Luke 9:11
4. Jesus odomo Philip ese, John 6:5-7
5. Andrew okut akparawa kiet akamade uyo ition ye iyak iba, John 6:8, 9; Mark 6:38; Matthew 14:17
6. Mbet ekpekeyak otu owo enyano, edi Jesus odoho ete, “Mbufo eno mmọ nkpo edia,” Matthew 14:15, 16; Mark 6:35-37; Luke 9:12
7. Jesus onọ uyo ete mme owo esuhore etetie sun, Matthew 14:19; Mark 6:39, 40; Luke 9:14, 15; John 6:10
8. Jesus odion uyo ye iyak onyuan onọ mbet ete eyak eno otu owo, Matthew 14:18, 19; Mark 6:41; Luke 9:16; John 6:11
9. Otu owo edia enyuan eyuhọ, ndien akpasa 12 osuhọ, Matthew 14:20; Mark 6:42, 43; Luke 9:17; John 6:12, 13

II Jesus Asaña Ke Enyọn Mmọn

10. Mbet Jesus ediere ke ubom enyano ke adanaemi Enye ama akasan otu owo, Matthew 14:22; Mark 6:45
11. Jesus aka ndibon akam ikpon, Matthew 14:23; Mark 6:46, 47; John 6:14, 15
12. Mbet ekop ndik ke ini mmọ ekutde Jesus asanade ke enyọn mmọn, Matthew 14:24-26; Mark 6:48-50; John 6:18, 19
13. Jesus osono mmọ idem “Edi Ami; ekufehe ndik,” Matthew 14:27; Mark 6:50; John 6:20, 21
14. Peter asaña ke enyọn mmọn, Matthew 14:28-33
15. Enam mbon-udono ekop nsan-idem, Matthew 14:34-36; Mark 6:54-56.

SE EKPEPDE EBAÑA

Eno Mbio Mmem-Idem Nduok-Odudu

Ke mme Mbet ema ekekure isan-utom ikọ Abasi mmọ, mmọ ema efiak enyano enyuan ekeno Jesus mbuk utom ye se ikadade itie. Ke ini Jesus okutde ete ke ofon mmọ ndiduok odudu onọ ikot ete, “Edi ke idem mbufo ke ebiet desert ediduok odudu esisit” (Mark 6:31). Esit Jesus esikere abana mbon mmem-idem. “Etiene Mi, kpukpru mbufo emi ekpade mba enyuan ebionde edidobi mbiomo, ndien Ami nyeno mbufo nduok-odudu” (Matthew 11:28). Ndiworo nkpon otu owo nikodu ikpon anam ikpohidem ye osip emi ekekpade mba enyene nduok-odudu, edi nduok-odudu ke nikan ukpon edi ke ini ema ekeyet idiok-nkpo efep ke esit. Ediwak owo ke efehe eka ke akpa-utatan, me ikpo obot, me ke mben inyan ndinyene nduok-odudu, ke ini mmọ ekpetienede Jesus man qbo mbiomo idiok-nkpo mmọ efep.

Mbom Ye Edinam

Okposuk edi nte Jesus okokponde otu owo, Enye ikayatke esit ikonyuan itreke ndime ime ke ini mmọ ekekutde ebiet emi Enye okodude, edi ekenyene esit mbom onọ mmọ. Ntotonu ekikere Esie ke abana mmọ akasana ye edinam, oro edi “Enye okokok udono mmọ.” Ke oro ebede ke ini mbet ekeyomde ndinam mmọ eka man ekedep uyo, Jesus okodoho ete, “Mbufo eno mmọ nkpo edia.” Mbom iworo ke nkpo ndomo kiet edieke edinam miworo ke iwut idem. James okodoho ete “Edieke eyen-ete eren mme eyen-ete anwan ananade edisine nkpo ye

udia usen, ndien owo mbufo kiet edidohọ mmọ ete, saña suññ; akpakam afo okut edisine-ñkpọ ye udia: edi mbufo inohọ mmọ se inanade mmọ ke obukidem, oro ofon nso?” (James 2:15, 16).

“Mmọ ekukpa ndinyoñọ” ekedi mme ikọ Christ ke ini mbet ekeyomde ndinam otu owo enyoñọ. Ukpoñ emi biọñ ọdọñde emi etienede Jesus idinyoñke ubok-ubok. “Ofofon onọ mmọ eke ekopde biọñ ye nsat-iton edinen ido: koro mmọ eyeyuhọ” (Matthew 5:6). Jesus ikekereke ñkpọ ibaña ñkpọ ikpohidem mmọ ikpoñ-ikpoñ edi “Etiñ ikọ onọ mmọ abaña uboñ Abasi” (Luke 9:11). Emi ekedi udon esit Esie, ete mme owo ekpekabare esit, enyuñ emana eduk ke obio-uboñ Abasi. Etop John Oduok owo-mmọñ emi mibighike nte ekesibe enye ibuot ekedi, “Mbufo ekabare esit; koro uboñ Heaven ke ekpere” (Matthew 3:2).

Mme Utibe-Ñkpọ

Jesus ke ndikere ndidomo Philip, okobup ete “Ididep uyo mmoñ, man memmọ emi edia ñkpọ?” (John 6:5). Eketie nte ñkpọ eke Philip mikemeke ndinam, edi Jesus okoyom enye ofiok ete, “Abasi emekeme ndinam kpukpru ñkpọ” (Matthew 19:26). Kiet ke otu mme ñkpọ eke osọñde onọ mme owo edi ndinim ke akpanikọ ete ke Abasi ke ananam mme utibe-ñkpọ mfin. Ndusuk owo etiñ ete ke mme usen mme utibe-ñkpọ ema ebe; mmọ eken enyuñ edomo ndikañ mme utibe-ñkpọ emi Abasi akanamde ke eyo emi ekewetde Nwed Abasi. Edi ekedi utibe-ñkpọ emi asañade ye odudu okosonọ Eti-mbuk ke eritonọ, ndien mme ukem idionọ oro ke etetiene erikworọ Eti-mbuk akpanikọ mfin emi. Edieke mikpekedighe utibe-ñkpọ emi asañade ye odudu Abasi, owo 5,000 ikpekediaha iyuhọ oto ke uyo ition ye iyak iba. Ibọhọke enọ Ikọ Abasi, emi edide Uyo Uwem ke odudu Edisana Spirit, enye idikemke ndiyuhọ mme ukpoñ eke ekopde biọñ ke spirit.

Da Enye Sọk Jesus

Andrew okodohọ ete, “Akparawa kiet mọmi, emi enyenede uyo abarley ition ye iyak iba, edi oro ekem nso ke otu uwak owo eke etiede ntem?”

Ibọrọ Jesus ekedi “Eda mmọ esok Mi mi.” Edieke owo kiet-kiet ekpedade ukpep-ñkpọ oro, oro edi, da enye sọk Jesus! Edieke afo ekerede ete ke nsin-ifik fo ikemke me nda-mana enọ fo ekpride, Jesus ke okot fi, “Eda mmọ esok Mi mi.” Enye emi akadade uyo ition ye iyak iba oyuhọ tosin owo ition “Enye emi ekemede ndinam ñkpọ awak akan se nnyin ibeñede inyuñ ikerede” (Nwed Mbon Ephesus 3:20). Udia ama ekem, ndien akpasa duopeba ama osuhọ ke kpukpru ema ekedia enyuñ eyuhọ.

Ewuhọ

Enam mme utibe-ñkpọ eto ke odudu emi otode Abasi inyuñ idighe se itode nduai-idem. Jesus okonọ uyo ete mme owo etetie ke otu ke otu, usuk 50, usuk 100 ke awawa mbiet. Enye emenere enyin ese Heaven onyuñ odion uyo. Nso utọ edidion iketie ntre! Nso utọ ukpuhore ñkpọ ke ekedi nte ekenode mme mbet udia ndinọ otu owo! Edi se nnyin ibode ito Oboñ ke nnyin ikeme ndiyak nnọ. Ndusuk owo ekeme ndidu ke mkpaidem ntak emi nnyin iyomde edidion, me inode ekom, ke kpukpru ini udia; nso idi ntak emi nnyin mikpenyeneke esit ekom inọ enye emi ekekemede ndibok owo 5,000 ke uyo ition ye iyak iba, ke ini edide kpa Jesus emi ekere abaña nnyin?

Mmọ Emi Edemede Udia

Mme Mbet Jesus ekedi mme andideme udia. Jesus okodohọ ete, “Kpa nte Eyen owo mikedige, man enam ñkpọ enọ Enye edi man Enye anam ñkpọ onọ owo” (Matthew 20:28). Ke ntre, nditọ Abasi mfin ebọ ikot ndinanam ñkpọ nnọ owo. Etiñ enọ nnyin “Ekusin esit ke ikpọ ñkpọ, edi esuhore idem eduk nsaña ye mbon nsukidem” (Nwed Mbon Rome 12:16). “Koro anie owo edi andikpon-ñkan? Ndi enye emi etiede ke itie-udia, mme enye emi adade mbet?” Jesus okobup. Enye ndien etiñ ikọ emi, “Ami ndu ke otu mbufo nte enye emi adade mbet” (Luke 22:27). Nditie Ete Ufok owo enye edinam utom ye nsuhore idem.

Ini Edibon Akam

Usen emi Jesus ekekerede ndiduok odudu ama akabare edi akwa usen utom ke erikok otu owo udoño, ndikworọ ikọ, ye ndinyuñ mbok otu owo. Okposuk edi nte Jesus mikenyeneke ifet ndiduok odudu, Enye ama ada ifet ndidok “ke edikon obot ke Idem Esie ikpoñ ndibon akam”. Mme usen nnyin ekeme ndiyohọ ye utom, odudu ñko aka ndikure, edi yak nnyin itiene uwut-ñkpọ Jesus inyuñ ida ini ndibon akam. Ke ediwak ini mme idem eke ekopde mmeme esikabare oson ke ema ekebon akam. Edi akpanikọ ete ke Jesus ama oton ntak okop odudu ndika isan Esie ke enyon mbufut inyan emi okotimere ke Enye ama okobon akam ama. Nnyin ñko, imetim ikeme ndisaña mbe ke akwa mbufut inyan ke adanaemi ima ikobon akam.

Ekedi ke ini oyohọ ukpeme ina, me ke ufot hour ita ye itiokiet ke usenubok, ke mbet Jesus eke kut Jesus nte asañade ke enyon inyan. Ke akpa ifet mmọ ikodionode enye, edi ke mmọ ema ekefiori ke ntak ndik mmọ, Jesus

eketiñ ikọ emi ndisuk mmọ esit, “Esoñ esit; edi Ami; ekufehe ndik.” Ke ediwak ini afanikọñ mme udọñọ nnyin isifiokke ite ke Andinyaña nnyin ekpere, edi edieke nnyin ifioride ikot enye ke ukut nnyin, nnyin iyekop uyo Esie “Edi Ami; ekufehe ndik.”

Ndiwuk Enyin Nse Jesus

Peter okoyom ndisaña ke enyọñ mmọñ ntiene Jesus, ama onyuñ enyene ukeme ñko ndidu ke enyọñ mmọñ ke adaña ini nte enye okowukde enyin esie ese Jesus. Edi ke enye ama ọkọwọñọre enyin ese mbufut inyañ, enye ama okop ndik onyuñ ọtọñọ ndideñ. Adaña ini nte nnyin isuk iwukde enyin ise ñkpọ emi nnyin ibinede, nnyin imekeme ndisaña nsim; edi ke nnyin itọñode ndise mme ñkpọ eke ekande nnyin ekuk, mme ñkpọ emi eyekan nnyin ubọk, enyuñ enuk nnyin esin ke idiok itie. Iko-ntiense Paul ekedi “Mbatke nte mmomum ñkpọ oro kaña ñkama; edi ñkpọ kiet emi ke nanam; mfefre se idude mi ke edem, nnyuñ nnyanare mbine se inade mi ke iso; mmesin ifik ñka iso mbine utit mbuba, man ñkpọbọ utip akwa ikot eke Abasi okokotde mi ke Christ Jesus” (Nwede Mbon Philippi 3:13, 14).

Akam Peter

Ke ini Peter ọkọtọñode ndideñ, enye ekenyene ndifiori “Ọbọñ, nyaña mi,” ndien ke ndo-ndo oro Jesus akanyan ubọk onyuñ omum enye. Oro ekedi ibio-ibio akam, edi enye ọkọwọrọ oto ke ofuri isoñ esit owo emi okoyomde ndideñ. Ediwak ukpọñ ke ukut mmọ esifiori ete “Ọbọñ nyaña mi,” ndien esikop ubọk ufak oro anyanarede ndinyaña.

Mbuotidem

“O afo owo ekpri mbuotidem nso idi ntak afo eyikde?” Mbuotidem ekeme ndimen owo mbe mme enyọñ mmọñ; eyighe eyenam owo edeñ ke idak akwa inyañ. Paul ọnọ nnyin akwa uwut-ñkpọ abaña se mbuotidem anamde ke ñwede Mme Hebrew ibuot duopekiet. Enam ediwak utibe-ñkpọ mfin oto ke mbuotidem, udọñọ emi owo mikekemeke ndikok, ekok; mmọ emi ekedukde ufin idiok-ñkpọ ebọhọ. Mbuotidem eyo oko, ada odudu eyo oko edi.

MME MBUME

1. Nso idi ntak emi Jesus ye mbet Esie ekekade ke akpa-utatan?
2. Nso ikedi ekikere Jesus ke ini Enye okokutde otu owo nte edide?
3. Nso ke Enye akanam?
4. Mbet Jesus ekeyom ndinam didie ke abaña edibok otu owo? Nso ikedi iborọ emi Jesus ọkọñode?
5. Mme anie ekedeme udia enọ otu owo? Ekenyuñ ebon otu owo didie?
6. Nso ke Jesus akanam ke okoneyo oro mbemiso Enye aka etiene mbet?
7. Nso ikedi mme ikọ Jesus ke ini mbet ekefioride ke ndik?
8. Nso ikedi mfiori Peter ke ini enye okoyomde ndideñ?
9. Nso ke mbon oro ekedude ke ubom eketiñ ebaña Jesus? Nso ikonyuñ inam mmọ etiñ utọ ikọ oro?
10. Siak mme nsio-nsio utibe-ñkpọ Jesus ke ukpep-ñkpọ emi.